


**AKCIJE**

SIPA uhapsila rukovodioce „Unsko-sanskih šuma“

Karić uhvaćen sa 20.000 KM obilježenih novčanica



Uhapšeni Enes Karić, zamjenik upravnika Šumarije „Sana“, i Dževad Pežadžić, predsjednik NO „Unsko-sanskih šuma“

Policijski službenici Državne agencije za istrage i zaštitu (SIPA), postupajući po naredbama Kantonalnog suda u Bihaću, a u saradnji s pripadnicima MUP-a Unsko-sanskog kantona (USK), jučer su u akciji kodnog naziva „Koverta“ pretresali objekte na šest lokacija u Bihaću, Sanskom Mostu, Ključu i Bosanskoj Krupi.

Zatražen pritvor

Uhapšene su dvije osobe, dok su tri saslušane zbog postojanja osnova sumnje da su počinile krivična djela primanja dara i drugih oblika koristi, zloupotrebe položaja ili ovlaštenja i protivzakonitog posredovanja.

Kako saznajemo, uha-



KARIĆ:
Jedini saslušan



MUSLIMOVIĆ:
Doživio udes

pšeni su Dževad Pežadžić, predsjednik Nadzornog odbora (NO) ŠPD „Unsko-sanske šume“, i Enes Karić, zamjenik upravnika Šumarije „Sana“ u Sanskom Mostu, kadar SDA. Karić je uhapšen

na regionalnom putu Bosanska Krupa - Sanski Most u svom automobilu, a prema nezvaničnim informacijama, kod njega su pripadnici SIPA-e pronašli 20.000 KM obilježenih novčanica.

No, iako je iz sjedišta SIPA-e saopćeno da su uhapšene dvije osobe, nadležni kantonalni tužilac u Bihaću Senad Ljubijankić jučer je saslušao samo Enesa Karića. Za njega je od Kantonalnog suda u Bihaću zatražen pritvor. Prema Ljubijankićevim

riječima, istraga se nastavlja u pravcu dokumentiranja sumnji za kriminal u „Unsko-sanskim šumama“.

Karića i grupu od desetak osoba koje su u sprezi s različitim vrstama zloupotreba vezanih uz šumsko bogatstvo duže od pola godine bh. sigurnosne agencije pratile su kroz posebne istražne radnje. Sigurnosne agencije zaprimile su veliki broj krivičnih prijava u kojima se optužuje rukovodstvo preduzeća s višegodišnjim direktorom Đevadom Muslimovićem (SDA) na čelu.

Davali izjave

Muslimović je nedavno bio predložen za mandatara Vlade USK, ali nije imao skupštinsku većinu. Poznato je i da je veći broj zaposlenika „Unsko-sanskih šuma“ davao policijskim službenicima izjave o krivičnim prijavama. Nezvanično saznajemo da su pripadnici SIPA-e tražili i Muslimovića u njegovoj kući u Ključu, ali je on bio odsutan. **M. DEDIĆ**

Čuo za privođenje

- Čuo sam za Karićevo privođenje, ali to je sve što znam - kazao nam je Muslimović.

On je napomenuo da je

prekjučer doživio saobraćajni udes, pri čemu je slomio ruku, a njegov maloljetni sin ruku i ključnu kost.